

16. januar 2006

Inatsiartut suleriaasiat § 36 imm. 1 naapertorlugu Naalakkersuisunut imaattunik apeqqutissaqarpunga:

(Inatsisartunut ilaasorta, Esmar Bergstrøm, Demokraterne)

Naalakkersuisunut apeqquteqaat: Nunatsinni iluarsartuussinissamut pisariaqartitsineq pillugu:

- a. Illuutit attaveqaatillu Namminesornerusinit pigineqartut pillugit iluarsartuussinissami pisariaqartitat tamaasa nalunaarsuutaannik Naalakkersuisut pissarsisimanerlutik?
- b. Apeqqut a naaggamik akineqassappat, Naalakkersuisut suliniuteqassamaarnerlutik iluarsartuussinissamut pisariaqartitat nalunaarsornissaannik taamaassappallu piffissaq qanoq sivilutigisoq atorqassava?
- c. Namminesornerullutik Oqartussat inissiaataasa iluarsartuunnissaat aserfallatsaaliornissaallu pillugit maannangaq ataatsimut pilersarusiortoqarsimanerluni, taamaassappallu piffissaq qanoq sivilutigisoq atorqassava?
- d. Atuarfiit ilinniarfiillu iluarsartuunnissaannut aserfallatsaalinissaannullu Naalakkersuisut ataatsimut pilersarusiorsimanerlutik tullerriaarisimanerlutillu, taamaassappallu piffissaq qanoq sivilutigisoq atorqassava?
- e. Talittarfiit iluarsartuunnissaannut aserfallatsaaliornissaannullu pilersarusiortoqarsimanerluni tullerriaarisogarlunilul, taamaassappallu piffissaq qanoq sivilutigisoq atorqassava?
- f. Mittarfiit atortuulu pillugit iluarsartuussinissamut aserfallatsaaliinissamullu pisariaqartitat pillugit Naalakkersuisut missingersusiorsimanerlutik? Taamaassappat, tamatumunnga atatillugu tamakkunanga iluarsartuussinissanut tullerriaarinernik suliaqartoqarsimanerluni, piffissarlu qanoq sivilutigisoq atorqassanerpa?
- g. Namminesornerullutik Oqartussat allaffeqarfii pillugit iluarsartuussinissanut aserfallatsaaliinissamullu Naalakkersuisut pilersarusiorsimanerlutik, taamaassappallu piffissaq qanoq sivilutigisoq atorqassanerpa?

Sammissat qulaani taaneqartut pillugit iluarsartuussinissanut Naalakkersuisut tulleriiiarisimassappata ilisimatitsissutitut tamakku nassiunneqarnissaannik qinnuigineqarput. Tamakku saniatigut qulaani taaneqartut pillugit aningaasartuutissat katinnerisa missingersuusiorneqarnerisa nalunaarsorneqarneri takussutissarsinissaat aamma kissaatiginarpoq.

Tunngavilersuut:

Illuutitta attaveqaatittalu ilarpassui aserfallassimaqimmata, pingaartumik illoqarfinni minnerni nunaqarfinnilu, ataatsimut isigalugu iluarsartuussinissaq pisariaqarsorinarpoq. Illuutilli aserfallassimasut aseroriartortullu nunatta avinngarusimasortaani kisimi atuutinngilaq. Illoqarfinnili annerusuni inissiat amerlaqisut pisortallu illuutaat suliffeqarfiilu iluarsartuunneqarnissaat pisariaqarluinnarpoq. Ajornartorsiutip siunertaqartumik isimagineqarnissaa pingaartutut isigaara. Qularutiginnigilara sanaartornermjut iluarsartuussinissamullu aningaasaateqarfik taamani pilersinneqarmat tamanna siunertarisimagaa. Taamaattorli suliniut pitsaasoq pisariaqartitanik iluarsinnissamut naammattumik atorneqarsimanngilaq, tamannalu tunngavigalugu qulaani apeqqutit saqqummiutissallugit pissutissaqartilersimavaanga.

Naalakkersuisut qinnuigissavakka akissutitik kingusinnerpaamik 30. januar 2006 nassiateqqullugit.